

Eatnama čuorvvas

Divtte mu čuolbmadit ruohttasiid váibmun

Divtte máihlli bahčásit čáhppesmurjjiide siellun

Divtte ádjagiid ohcat suonaid mu ozas

Mu jietna jávká goaivunmašiinna šurrii

mohtorsahá jurrii

ja euroid huikasii

Mu sátnefriddjavuolta boatkana

virgeolbmuid láhkagoikui

láhkaolbmuid ruhtanealgái

Mun bivddán

Divtte mu lámčit saji giehpabeaivelottiide

Divtte rievssaha lállit maniidis mu giedavuolde

Bivddán midjiide ráfi! R Á F I !